

Werk

Titel: D. Jo. Frid. Blumenbachii Institutiones Physiologicae.

Autor: Blumenbach, Johann Friedrich

Verlag: Dieterich

Ort: Gottingae

Jahr: 1821

Kollektion: Blumenbachiana

Werk Id: PPN659038048

PURL: http://resolver.sub.uni-goettingen.de/purl?PID=PPN659038048|LOG_0008

OPAC: <http://opac.sub.uni-goettingen.de/DB=1/PPN?PPN=659038048>

Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

Contact

Niedersächsische Staats- und Universitätsbibliothek Göttingen
Georg-August-Universität Göttingen
Platz der Göttinger Sieben 1
37073 Göttingen
Germany
Email: gdz@sub.uni-goettingen.de

SECTIO II.

DE

HUMORIBUS CORPORIS
HUMANI IN UNIVERSUM
SPECIATIM VERO
DE SANGUINE.

§. 4.

Quicquid humoris corpore nostro continetur *), id omne ad tres classes principes commode referri videtur.

Est enim vel A) *crudus* ut audit humor, quo maxime chylus spectat, primis quas vocant viis, contentus, in sanguinem vertendus; tum vero etiam quae corporis externa superficie absorbta eidem advehuntur;

vel B) *sanguis ipse*;

*) Semel et instar omnium super chemica corporis humani humorum indagatione commendasse sufficiat J. JAC. BERZELII Föreläsningar i Diukkemien. Holm. 1806-1808. II Vol. 8.

vel denique C) ex sanguine iterum *secretum* liquidum: idemque sive iners et mere excrementium, ut urina; sive certis usibus destinatum et inquilinum; hocque ipsum porro sive permanenter liquidum, ut bilis; sive ad solideſcendum a natura paratum ut osseus aliqui plastiſci ſucci.

§. 5.

De prima et tertia harum classium alias dicendi locus erit, ubi ad chyloſin, et ad ſecreſtionem, et ad alias functiones peruentum erit, ad quas ſinguli humoris perteſt. Iam vero de *sanguine* *) agamus, omnium ſane principe ac primario latice, vehiculo nempe permutandorum continuo quamdiu vita viget eorum corporis elementorum quae oxyge- nium et carbonaceum appellant, quo porro corpus iſum nutritur, et qui reliquorum humorum tantum non omnium quaſi promus condus dici meretur; ut-

*) J. HUNTER's *Treatise on the Blood, Inflammation etc.* Lond. 1794. 4.

pote in quem crudus quem diximus humor vertitur: et ex quo tot alii secernuntur et derivantur: quique, si a paucis corporis partibus plane exsanguibus discesseris, qualis v. c. epidermis est, et arachnoidea tunica, et amnion etc. tum et dentium vitrea substantia, lentis crystallinae corpus etc. per reliquam corporis compaginem longe lateque discurrit, diversimoda tamen, pro varietate partium quantitatis proportione; insigni v. c. per muscularum carnem et maiori adhuc copia per viscera quaedam, quales sunt lien, placenta uterina, et ipsa matrix graviditate proiecta distribuitur; per exigua contra per tendines et cartilaginiens *).

*) De universa sanguinis quantitate in adulti et
bene formati hominis corpore, mirum quantum inter se dissentient physiologi. ALLEN
MULLEN et ABILDGAARD vix ultra 8 libras
statuunt, HARVÆUS 9. BORELLUS 20. HAL-
LERUS 30. RIGLANUS 40. HAMBERGERUS 80.
JAC. KEILIIUS 100. Priors equidem proprius
a vero abesse in aprico est.

§. 6.

Est vero sanguis liquidum sui generis noti coloris; nidoris peculiaris; saporis subsalsi, nauseosi; caloris circ. 96 graduum Fahrenheitiae scalae; ad tactum glutinosum; cuius gravitas specifica, et si in variis hominibus varia, communiter tamen et circiter ad aquae pondus se habet = 1050:1000; et quod ex vivo homine recenter emissum et vase exceptum sequentia maxime prodit phaenomena *):

§. 7.

Et primo quidem, maxime quamdiu adhuc calet, vapor ex eo ascendit, quem gas animale nuperi appellant et praeter caloricum menstruum ex hydrogenio et carbonaceo elemento constare docent **),

*) Jo. MART. *Burr de spontanea sanguinis separatione*. Edinb. 1760 8. recus. in Sandiforti thesauro Vol. II.

Jo. H. L. BADER *experimenta circa sanguinem*. Argent. 1788. 8.

**) *Elementa adeo ex quibus fluida aërisiformia constant, ipsi quoque sanguini inhaerere, vix*

quiue campana exceptus roris ad instar in guttas confluit, aquosae indolis, sed nidoroso odore insignis, singulari (in carnivorum sanguine graviori), et quem vere animalem dixeris. Eiusdem vero aquosi laticis multum quoque reliquis quae dicentur sanguinis partibus constitutivis admixtum remanet.

§. 8.

Interim dumque discessu caloris ad gradum circ. 78. scalae Fahr. frigescit sanguis vase contentus, in binas partes se-

monitu eget; neutquam vero ultum gas ipsum elastica sua specie in homine sano eidem inesse, (quae tot physiologorum erronea opinio fuit,) eo certius persuasus sum, cum experimentis, quae in aliis animalibus mammalibus iam a. 1732. institui, didicerim, vel purissimi aeris exiguum dosin, chirurgiae infusoriae ope in venam ingularem eorum immisum, gravia fatis symptomata excitare, ut palpitationes cordis, soporem, convulsiones, et si paulo maior fuerit quantitas, ipsam mortem inferre. Pluribus de his egi in medicin. Biblioth. vol. I. pag. 177.

Similes effectus experimentis suis testatur BICHAT in *Journal de Santé etc. de Bourdeaux.* T. II. pag. 61.

cedere incipit. In coagulum nempe primo abit, e cuius superficie mox exfudat quasi latex ex flavescente subrubellus, quem *serum* vocant sanguinis; quo plus autem exfudat, temporis progressu, huius seri, eo contractius et mole minus redditur id ipsum coagulum glutinosum, quod *crassamentum*, item ab aliqua similitudine tum coloris tum scissilis compagis, hepar sanguineum, aut placenta, et, quod a sero circumfusum ipso innatet, insula audit.

§. 9.

Ipsum vero istud crassamentum glutinosum facili encheiresi, conquassando nempe aut saepe repetitis vicibus abluedo, denuo in binas partes constitutivas abit; in *cruorem* qui universo sanguini purpureum impertierat colorem, et qui ablutione secedit a *lympha*, quae altera est eaque solidior pars, quare et basin crassamenti eam vocant; cui *cruorem* magis amicum esse quam sero, vel

exinde patet quod nonnisi violentia quadam adhibita ab ea basi secedat. Ipsa autem ea cruoris secrezione lympha eo orbata magis magisque palleſcit, usque dum denique albi et satis tenacis coaguli habitum praeſe fert.

§. 10.

Et hae quidem ſunt praeter aquosum quem diximus laticem, ternae partes principes ſanguinis, de quibus iam paullo curatius agendum eſt: — *ſerum* ſcil.; tum *cruor*; denique *lympha*; quae tamen omnia quamdiu recentiſſima integro adhuc ſuo calore perfusa ſunt, intime mixta, aequabilem et homogeneum iſtum liquorēm conſtituunt; proportione autem relativa pro multifaria ratione aetatis, temperamenti, victus, aliorumque id generis momentorum, quae sanitatem cuivis homini propriam conſtituunt, mirum quantum differunt.

§. 11.

Serum itaque humor ſui generis eſt, idemque qui maxime universo ſanguini

DE HUMORIBUS CORPORIS HUMANI. II

viscosum habitum impertit: et quem facili artificio denuo in varia principia constitutiva ut vocant, dissolvere licet. Quodsi enim calori 150 graduum scal. Fahr. exponitur serum, pars eius in coagulum album scissile, *albumini* cocto simile, abit: reliquum vero, praeter aquosum laticis toties iam dicti portionem, turbidum humorem *gelatinosae* s. potius *mucosae* *) indolis exhibit, qui frigescendo tremulum coagulum refert. In uniuersum vero serum sodae (s. alcali mineralis) portione quam continent insignis est.

§. 12.

Cruor aliam sanguinis partem constituit, et colore et particularum figura, plurima singularia praes se ferens.

Globulis enim constat, in recenti sanguine perpetuae et constantis figurae, et aequabilis magnitudinis, quam circ. $\frac{1}{3300}$

*) J. BOSTOCK in *Medico-chirurgical Transactions published by the medical and chirurgical Society of London.* Vol. I, 1809. p. 46.

unciae diametro aequare contendunt. De figura quidem disputatum est, longe tamen simplicior videtur quam clari nominis viri eandem perhibuerunt. Non enim nisi globulorum specie oculis usurpavi. Neque lenticularem quam aliqui observatores ipsis tribuunt figuram, unquam in ipsis dignoscere potui.

Dictum quoque est formam mutare, quando per angustissimi luminis vasculum ipsis transeundum foret; et sphaericis tunc ovales fieri, posieaque, quando denuo in capacius vas emerserunt, in pristinam globosam formam resilire*), quod, et si non negaverim, tamen non ad tranquillum eorum in sano animanti motum pertinere, sed ex spastica vasorum minimorum affectione contingere, puto.

Ipsa vero globosa eorum figura non nisi in vivo animanti aut saltem in re-

* G. CHA. REICHEL *de sanguine eiusque motu experimenta*. Lips. 1767. 4. pag. 27. fig. 3. g. g.

centissime emissso sanguine cernitur; brevi post enim oculis se subducit, quando in informem massam, sero praeter ruborem ceteroquin simillimam, deliquescunt globuli *).

§. 13.

Color ipsis ruber, imo universi sanguinis rubor ab iis derivandus videtur. Multimode autem istius coloris intensitas variat, pallidior certe animantibus inique nutritis, aut quae graves haemorrhagias sunt perpessa; floridior oxygenatus **) (quem vulgo arteriosum vo-

*) cf. EVER. HOME in *Philosophical Transactions* for 1818. P. I. pag. 172.

**) Quamquam longissime ab eorum pruritu absim, qui sibi nostris maxime temporibus tam mirifice in novandis et permutandis terminis scientificis placent, vulgaris tamen appellatio-
nibus sanguinis arteriosi et venosi eam oxyge-
nati aut carbonisati rectius et cum fructu sub-
stituendas esse censeo, ideo quod ipsissimus
ille sanguis quem vulgo arteriosum appellant,
vasis quoque nonnullis contineatur, quae pro
venis habentur, ut pulmonales et umbilicalis,
cum e contrario arteriae pulmonales et umbi-
licales, sanguinem vehant quem vulgo vene-

cant) aut qui aëri atmosphaerico, maxime vero ubi oxygenato expositus fuerit; obscurior carbonisatus (qui vulgo venosus audit), et in carbonisato aut hydrogenato aëre detectus *). Causa ruboris verisimillime in calce ferri (ferrum oxydatum vocant) ponenda **), et si quantitas eius exigua sit, imo mirum quantum in ea constituenda varient auctores.

§. 14.

Ultima consideranda venit ex principiis quae sanguinis massam constituunt partibus, *lympha* scil. plastica (male quoniam

sum vocant. Ita et in venis chorii in ovo incubato sanguis dimanat arteriosus, ut vulgo vocatur, in arteriis contra venosus. Super ipsa ceteroquin sententia de oxygenii et carbonacei elementi ad utriusque generis sanguinem relatione, infra (capite de respiratione) adhuc agetur.

*) Cfr. post alios J. FERD. H. AUTENRIETH *experimenta et observata de sanguine, praesertim venoso.* Stuttg. 1792. 4.

**) v. BERZELIUS in *Annales de Chimie et de Physique.* T. V. Mai 1817.

dam cum sero confusa), quam et basin crassamenti, alii partem glutinosam, alii fibram sanguinis s. materiem fibrosam, alii aliter appellant, quamque aequa ac caseosam lactis partem et gluten farinaceum maxime carbonaceo et azotico elemento scatere nuperae analyses perhibent.

§. 15.

Plastica merito vocatur ideo, quod principem praebat materiem, ex qua partes similares principes, musculi praesertim, proxime formantur, idem corpus per omnem vitam nutritur, iniuriae eidem vulneribus et fracturis illatae reproductionis miranda vi reparantur, vasorum sanguinem ferentium maiorum si dissecta fuerint, lumina obturantur *), aliaque id genus coagula quae inflam-

* J. F. D. JONES *on the process employed by nature in suppressing the haemorrhage from divided etc. arteries.* Lond. 1805. 8. germ. vertit et notis auxit G. SPANGENBERG. Hannov. 1813. 8.

mationem comitari solent *) formantur, adeoque et ipsa ea memorabilis membrana caduca qua novo conceptui in utero recenter impraegnato et oestri venerei igniculis calente, solum, cui adhaerescere possit praeparatur.

§. 16.

Et hactenus quidem de partibus constitutivis et indole sanguinis, humoris in oeconomia animali summi et principis; utpote qui primo loco *cordi* ipsi tanquam *stimulus*, ad systolen eius excitandam, inservit; cuius dehinc ope ab una parte *oxygenium* undiqueversum per universum corpus distribuitur; *carbonaceum* contra

*) Pertinent enim hoc in universum *pseudomembranae*, ut vocantur, quae ex visceribus inflammati transudare aequa obducere solent, vincula v. c. cellulosa quibus ex peripneumonia pulmones subinde pleurae necti videmus; et tubulosa tuniculae quibus bronchia in angina membranacea obvestiuntur; aequa a membranae quae artis ope faciliter parantur, (recentem sanguinem virgulis feriendo,) quasque ab inventore Ruyshianas appellant.

elementum exin ad universalia organa purgatoria revehitur, eiusdemque commutationis occasione simul *calor animalis* alitur. Qui porro omnium solidorum corporis nostri primo *materiem*, tum vero iisdem perpetuum quamdiu viyunt, nutrimentum subministrat; et ex quo denique in universum, praeter crudos quos diximus humores (§. 4.) reliqui, secernuntur et derivantur. De qua quidem adeo multifaria sanguinei fluenti dignitate et usu passim suis locis ex professo nobis agendum erit.